

22 NOV 1996

FUJIMORI MENGHADAP AGONG SEBELUM KE TOKYO

KUALA LUMPUR, 22 Nov (Bernama) -- Presiden Peru Alberto Fujimori menghadap Yang di-Pertuan Agong Tuanku Ja'afar di Istana Negara, hari ini.

Fujimori, yang tiba di ibu negara Rabu lepas untuk lawatan tiga hari, dijadualkan berlepas ke Tokyo malam ini.

Perdana Menteri Datuk Seri Dr Mahathir Mohamad akan megunjungi Fujimori lewat petang ini untuk mengucapkan Selamat Jalan.

Pagi tadi, Fujimori dianugerahkan Ijazah Doktor Kehormat pada satu majlis di Universiti Pertanian Malaysia di Serdang.

Semasa berada di negara ini, Fujimori mengadakan perbincangan dengan Perdana Menteri untuk memperluaskan hubungan dua hala dalam bidang ekonomi dan perdagangan.

Ini merupakan lawatan kedua Fujimori ke Malaysia, dengan yang pertama dilakukannya pada November 1991. -- BERNAMA

WE NAK